



Чужанін — Сыктывдін

Төв шөрын коми листбок вылын ми юөртлём «Чужанін — Сыктывдін» вермасьём йылысь. Котыртысьяс — газетлөн редакция, районса история да культура музей, Сыктывдін районса «Коми войтыр» өтмунём. Ми корим тиянөс, дона челядь, гижны коми кыв вылын асланыд чужанін йылысь, сиктса нималана йёз йылысь...

Ог пörъяв — гижод воө этша. Тыдалө чужан сикт да сәні опысьяс йылысь тиянлы гижны нинём. Кутім нин чайтны, мый вермасьёмын лоө сөмын өти гижод, кызд мода-мод бөрся заводитисны воны гижодъяс.

Талун сетам кыв Зеленеч школаын 8-өд класса велөдчысь Владимир Притоцкийлы (велөдысь — школабердса этнографической музейон веськөдлысь Галина Петрунёва) кыв, коді висьталө Зоя Яковлевна Чаланова йылысь. Зоя Яковлевна вöлі Владимирлөн ыджыд мамлөн мамөн (прабаб).

Авъялуныс пыдöстөм

Ме тиянлы көсьяс висьтавыны аслам ыджыд мамлөн мам йылысь, кодöс шуисны Чаланова Зоя Яковлевнаён. Сійö чужлис 1922 воын Сыктывдін районса Выльгортса священник Яков Попов да Агния Александровна велөдысь семьяын мөдөд кагаён. Зоя ыджыд-ыджыдмам помалис велөдчöмсö 19 арёсөн. Со талун зельгис школаын бөръя звёнок, а аскинас сійöс босьтисны медсестра курсяс вылö, öд сьöд кырышён воис миян му велö ыджыд тыш — война. Кык төлысь мысти мөдöдісны томиник нывкаөс Карельской фронт вылö госпитальö, Ай му вöсна тышын вир кисьтысьяслы отсöг вылö.

Быд лун вöлі вайöны зэв уна доймöм му дорйысьöс. Вывті нин бур, удайтчас кө вöлі узыштыны кык-куим час, öта-мөдсö вежлалöмөн. Вирён улялысь солдатлысь лысьöмсö көлө вöлі бурдöдны мелі кывйөн да медикаментөн, пелавны коблуй, бинтьяс, вольпась. Менам Зоя ыджыд-ыджыдмам отсасис операцияс вылын хирургьяслы: кодлы вундасны кок, кодлы-ки, коді синтöм кольö, коді кулө операция пизан вылын вир абутöм вöсна. Бурдöдчысьяслы ковмыліс эз сөмын лечитны, но и аслас вирён юксыны. Тырмөма тай менам пöчлы и збодерлуныс, и вын-эбöсыс,и сямьс, и шудлуныс.

Медаль-орден зияліс сы морöс вылын, төдчөдіс сылысь пай войналысь медбөръя лун матыстөмын. Менам пöч сы дыра вермис юксыны войнадырся казътылөмьяснас велөдчысьяскöд, аслас нывпикöд, нук-нучкайскöд, верстыöяскöд (кувсис 2008 воын). Но ёнасö эз радейтлы вощыны: сьöлөмыс заводитліс висьны, шуліс: «Война вайис сы мында лёксö, курыд синвасö, шогсö, вир кисьтöм». Война помасис Зоялөн май 9-өд 1945 воын Германияын, Берлин карын.

Гортас воис сөмын выль во кешлө, кытчöдз фашистской госпитальын став миянлысь солдатсö эз бурдöдны, гортас эз лэдзны.

Война бөрти нин Зоялөн батъяс адзис «Огонек» журналысь өти фотография вы-

лысь нылыслысь кырымпас — «Зоя Попова». Любöйс мыйта вöлі! Ставыслы сиктас петкөдліс, тайö пö менам ныв кырымпассö Гитлерлөн Рейхстаг вылө кольöма, кызд вөрöгöс вермысь пасйис асьыс ним-овсö мукöд совесткой солдатъяскöд.

Война бөрын Зоя петіс верöс сайö да чужтис-быдтис 6 челядь: Эдуард пи олö Кострома карын; Надя, Тамара да Галя — Усть-Кулөмын; Вера да Люба — Зеленеchnы. Зоя пöчлөн быдмө 6 нук да 4 нучка, 7 правнук.

Миян пыдди пуктана Зоя пöч-баб вöлі зэв шань, уджач, авъя нывбаба, сьöлөмөн быдтис став внукъяссö, некор эз горөдпы, век мыйöнкö да мыйöнкö чöсмöдліс, пöжасьліс быд асыв, чеччас вöлі шондi петігас, асыв-нас нель часын. Пуас пöсь шыд да рок, а чöскыд көрыс — керка пасьта! А кымын самöвар вöлі луннас пузьодас да помся ключваа тшайнад юктöдас! А кымын гөсьт! Век кодкö да кодкö гөститö: то Зина баб, то Миш Егор Зина, то Анна баб, то Вась Иван Анна, то Данил Лена, Марченко Тамара, то челядьлөн челядьыс. Сылөн вöлі зэв уна нывъёрт. А мелілуныс сылөн вöлі пыдöстөм, некор вöлі он кыв, мый сійö мудзöма либö висьö, век сөмын томмөдчис асьсö кутöмөн, ёна вöлі радейтö йöзкөд сёрнитны, серавны, гажöдчыны.

Тшöкыда казътывлам сійöс бур кывъясөн. Югид серпасыс ыджыд-ыджыд мам йылысь кутас дыр овны миян вежöрын!

Владимир ПРИТОЦКИЙ.

Коми му эз янөд

фронтвик Ладанов разис важ гөрөд

Бөръя нель вöсö Выльгорт сиктын олысь, война вывса ветеран Иван Ладановлөн узытөм войыс вöлі уна. Эз кужлы мөвныштлыны сійö, мый квайтымын во сайын вöвлөмторыс тадзи шамыртас-нюкыртас сылысь сьöлөм. 2005 воын Иван Васильевич төдмаліс, мый сійö веськавлөма трибунал улö. Эз эскысьы олөма мортлы татшөмторыяс. Мыйысь? Кыдзи? Кымын во коли войнасянь!

Фронтвик нель во чөж гижис быдлаб — корсис аслас юалөмьяс вылө воча кыв: республикаса прокуратураö, Ленинградса военной прокуратураö... Мөдар югыдас пö татшөмтö төдөмнад ог вермы мунны. И со неважөн 2009 вося май 27 лунö Ленинград округса военной ёрдлөн президиум пуктис пом гижасьöмыслы. 33 торъя стрелковöй бригадалөн военной трибуналөн 1942 вося кос му 8-өд лунся шуөм киритны. Вöвлөм гөрд армееч Иван Васильевич Ладанов абу мыжа. Олөма морт ыджыда лопыштис — бөръя кадас тайö вöлі сылөн медся шуда лун.

А квайтымынысь унджык во сайö кольöмыс пыр на төрытьяс моз ясыда сулалö Иван Ладановлөн син водзын. Иван Васильевич казътылө:

— Армияö ме муні июль 22-өд лунö юркарся горвоенкомат корöм серти. Веськалі Архангельскаса военно-инженерной училищө. Училищөын көть и велөдчи бура да менам вöлі нин образование младшöй лейтенант ним эз сетны. Шуисны, рочнас пö лёка сёрнитан да салдатъясид серавны кутасны. Кык төлысь мысти миянлысь взвод подөн көрт туй кузя мөдöдісны Северодвинск карö. Сэтөн ме веськалі сапёрной взводö 33-өд номера торъя бригадаб.

1942 вося февраль төлысянь миян бригада тышкасис Волховской фронт вылын. Рөдина вöсна! Сталин вöсна! Ми тышкасим вөрöгкөд. Миянлөн взвод вöлі кык юкёна, олём орчча шалашъясын. Февраль помын взводса выль командир нүбөдіс миянлысь отделение восьсаинö да лым вылын серпасалис кызди колö вöчны землянкаяс. Ме видзөди да мөвпалі, а сзсся бур вылө шуи, мися землянкаб пыранінсö колö вöчны миянладорсянь, а оз вөрöгла дорсяныс. Командир менам шуөм вылө ок ёна дөзмис, уськөдчис ме дорö пистолетөн, матыстис виски дорö. Нöшта пö кыв и лэдза курук. Менам ёртъяс пиысь өти нетиыштис да уськөдіс командир кыысь пистолетсö. Ме нинём шутөг лэптi да сетi оружиесö сылы бөр киас. Взводса командир ыстис миянөс бөр шалашъяслань. Дерт, ставлөн

дум вылысь эз мун тайö лөымторйыс.

Рытнас, уж-найтөм бөрын миян шалаш дорö матыстчис командирным. Сійö вöлі лызь вылын. Менö да менсьым кык ёртöс, кодъяс ме вöсна сувтисны командирлы паныд, сійö тшөктис сувтны лызь вылө да мунны сы бөрся. Мунім дыр. Чизыр төв чепляліс чужөм, пырис лысьöмөдз. Места вылө воөм бөрын командир шуис, мый кык войөн колö лөсьöдны туй, медем вермас мина-яса видз пыр мунны танк. Сійö висьталіс, мый водзын — миян да немецъяслөн позицияс.

Кор ми бөр воим шалашöдз, сәні миянөс вычысысны нин кум масхалат да миноискатель. Пырысьтөм пыр ме ёртъяскөд мөдөдчи командирлөн индөминлань. Асывнас вөчөм удж йылысь ми висьталім взводса командирлы. Ме весиг думыштылыны эз куж, мый командир ме вылө кутö лөг.

...И со ми кум ёрт пуксим танк вылө да петкөдлім танкистыяслы минатөм туй. Тайö туйсö вуджөм бөрын казәлім — немецъяс пышйöны асланыс позициясысь. Пансис тыш. Öти немец лои босьтöма пленö, кодкөд ме мөдөдчи бөр асламым позициялань, а ёртъясöй пехотакөд вөрзисны водзö сүөдны пышйысьясöс. Взводса командир менö казәлөм бөрын пырысьтөм-пыр юалис, көні менам ёртъяс. Сөмын сзки ме гөгөрвои, мый командир вычысыс миянлысь кулөм.

Мөд луннас миян шалаш дорö матыстчисны мөд взводса сапёрной отделение. Налөн командир висьталіс, колö босьтны немецъяслысь туй. Миянөс чуймөдіс, мый тайöс колö вөчны лызьтөг, көть эськө ветланторйыс ставлөн вöлы. Но командирлы паныд кыв шуны некод эз лысьт. Джуджыд лымпиö вöйласигтыр, ми мөдөдчим туйö. Югдіс. Шуйгавысянь тыдовтчис вөр. Со и туй. Миян отделениса сержант Моховлөн юрнүбөдм улын босьтiм оборона да лөсьöдчим нуръясьыштыны, кызд туй вылын тыдовтчис немецкой автоматчикъяса танк. Пансис кось...

Тыш дырйи сержант Мохов чорыда ранитчис. Аскөд миян эз вөв нинём, весиг бинтьяс. Ёртъяскөд заводитiм кыскыны сержантöс сюрөм яштшик вылын. Но лои сідз, мый ме кындзи дорйыны сійöс некод эз көсий. Ме кыски сійöс километра нель, вын-эбөс быри. Ме не-уна вешйи трөпа бокысь да пукси шойччыштны. Но мудз вывсьыд унмовси. Паляли, а Мохо-



выд абу. Бөрас нин төдмалі, мый сійöс аддзөмаөсь разведчикъяс да нүбөмаөсь медсанчастьö, көні Моховс кувсьöма. Ö два вои асламым шалашöдз да уськөдчи корсыны командирöс. Паныд локтис винтовкаа салдат, юалис менсьым ов да шуис тэ пö арестуйтöма. Кык лун менö видзисны землянкаын. Сзсся вöлі суд, кодöс кывйöй оз бергөдчи шуны суднас, öд муніс сійö вит минутысь эз унджык. Вöлі гөгөрвотөм мыжа-ö ме? Взводса командирлөн отсасысь кывъяс серти менö мыждiсны Моховс туй вылө шыбитöмысь. Быттö сійö сетлөма приказ нүбдны раненйöс медсанчастьö, көть татшөмыс эз вөв. Ме тадзи и висьталі, а сзсся ланьтi да нинём эз шу. Меным вöлі яндзим аслам земляк водзын коді пукаліс сәні жö. Юрын жуисны быдсыа мөвпьяс, торйөн нин татшөм — янөдны чужан Коми му ме оз вермы... Уна вояс коли да вöли-сти төдмалі, быттö документъяс серти меным сетöмаөсь дас во. Öдвакө эськө вöлі кө тадз ме водзö верми дорйыны ас чужан му!

Уна би пыр на ковмис мунны красноармееч Ладановлы. 1942 воын сійö чорыда ранитчис, шуйга ки эз кывзысь том мортöс. Сзсся вöлі радистъяслөн курсъяс да Сталинградса фронт, 4-өд украинской 51-өд армия 91-өд стрелковöй дивизия, связьлөн торъя батальон...

Сөмын 1946 воын декабр 13-өд лунö морөс тыр медальён Иван Ладанов воис Коми муö. Уджалис, олис, быдтис челядьöс, лелькуйтис нукъясöс. Таво Иван Васильевичлы тыри 86 ар. Шуö тай, память пö вошласьö. Гашкө төрытьясы и вунласьö, а син водзас квайтымын во сайын вöвлөмыс пыр на ясыда сувтö.

Людмила МИХАЙЛОВА.
СНИМОК ВЫЛЫН: Иван Васильевич Ладанов.